

დადგენილება #ე.პ. 0474-21  
გაფრთხილების სახით ადმინისტრაციული სახდელის  
დადების შესახებ

თბილისი

21 იანვარი 2021

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სამართლებრივი უზრუნველყოფის განყოფილების იურისტი -  
ნინელი ბოჭორიშვილი

2. საქმის განხილვის თარიღი: 2021 წლის 21 იანვარი

3. ცნობები პირის შესახებ, რომლის მიმართ განიხილება საქმე:

შპს „ნიდა“

მდებარე: იურიდიული მისამართი -- ახმეტის რაიონი, სოფელი ზემო ალვანი

საიდენტიფიკაციო კოდი #424617114

ფაქტობრივი ადგილსამყოფელი: ყაზბეგის რაიონი, დაბა სტეფანწმინდა

4. საქმის განხილვისას დადგინდა შემდეგი გარემოებები:

2020 წლის 24 დეკემბერს ყაზბეგის რაიონში, დაბა სტეფანწმინდაში, აბონენტ #8110258230 ადრიცხვის კვანძის დათვალიერებისას აღმოჩნდა, რომ აბონენტს მრიცხველის გვერდის ავლით დაერთებული ჰქონდა სადენი. შემოწმებისას მოხდა სიმძლავრის დათვლა, რომელიც იყო 1,92კვტ-ი, ასევე გაიზომა ძაბვა 228 ვოლტი, ხოლო სადენში შემოწმებისას გადიოდა 1,5 ამპერი დენი. ადგილი ჰქონდა ელ.ენერგიის დატაცებას. სს „ენერგო-პრო ჯორჯიას“ ბილინგის ბაზაში #8110258230 აბონენტად ფიქსირდება შპს „აკა“, თუმცა შპს აკა“-ს შენობაში საქმიანობას ეწევა შპს „ნიდა“. ადმინისტრაციული სამართალდარღვევის #009009 ოქმს ხელი მოაწერა შპს „ნიდა“-ს წარმომადგენელმა, დირექტორმა-დავით ხაბაიძემ, რომელმაც აღიარა სამართალდარღვევის ფაქტის არსებობა და განმარტა, რომ სადენების დაერთება მოხდა მის მიერ, თუმცა არ იცოდა, რომ

სს „ენერგო-პრო ჯორჯია“

მოხმარებული ელ.ენერგია არ აღირიცხებოდა მრიცხველით. საქმეში წარმოდგენილია 24.12.2020წ შედგენილი აღრიცხვის კვანძის შემოწმება-მიღების აქტი #1586200, რომლითაც ასევე დასტურდება ელ.ენერგიის მრიცხველის გვერდის ავლით მოხმარება. შპს „ნიდა“-ს მიერ ელექტროენერგიის დატაცება წარმოადგენს პირველ შემთხვევას, რაც დასტურდება შსს საინფორმაციო-ანალიტიკური დეპარტამენტის საინფორმაციო ცენტრის მიერ 2021 წლის 12 იანვარს ელექტრონულად გამოგზავნილი ინფორმაციით. საქმეს ასევე ერთვის ფაქტის ამსახველი ფოტო მასალა. შპს „ნიდა“-ს წარმომადგენელს ეცნობა საქმის განხილვის დროისა და ადგილის თაობაზე. შეტყობინების ჩაბარებისას წერილობით აღნიშნა, რომ სხდომას ვერ დაესწრება და ითხოვა შპს „ნიდა“-ს წარმომადგენლის დასწრების გარეშე ადმინისტრაციული სამართალდარღვევის საქმის განხილვა. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; ფოტომასალა; შეტყობინება.), რომელთა მეშვეობითაც დგინდება შპს „ნიდა“-ს მიერ ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერგიის დატაცება. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96<sup>1</sup> მუხლის პირველი ნაწილით; მე-10; 38-ე; 236-ე; 240-ე; 228<sup>2</sup>-ე მუხლებით; 266-ე მუხლის მე-4 ნაწილით; სემეკის 12.08.10 #14 და 18.09.08 #20 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, 17.12.20 or #2020042 ბრძანებით და

და ვ ა დ გ ი ნ ე:

სს „ენერგო-პრო ჯორჯია“

6. შპს „ნიდა“ (ს/კ424617114) ცნობილ იქნეს ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:  
ნინელი ბოჭორიშვილი

